

SARS E DIRA DITLHASELO TŠA DIPURUPUTŠO KA NTLOPAHLO YEO E SA NGWADIŠWAGO

Tshwane, 5 Mei 2023 – Maloko a Ditirelo tša Motšhelo tša Afrika Borwa (SARS) le Ditirelo tša Maphodisa tša Afrika Borwa (SAPS) di dirile ditlhaselo tša dipuruputšo ka go ntlophahlo yeo e sego molaong ka Vryburg, North-West maabane, ka la 4 Mei 2023, gomme go amogilwe dimilione tša diranta tša boleng bja madila ao a tšweleditšwego ka tsela yeo e se go molaong le didirišwa tša go maena bitcoin.

Ntlophahlo e be e dirišwa ka tsela yeo e sego molaong go kgokaganya didirišwa tša go maena krepto kharensi go phepo ya mohlagase ka toropong. Gape e be e dirišwa go tšweletša mabotlolo a 14 617 a bjala bja go se lefelwe motšhelo le go tšweletša bjala bja maswao a mo nageng a go tsebega.

Sedirišwa sa go maena bitcoin se na le boleng bja R10 million mola bjala bo akantšwe go boleng bja R3.8 million. Ntlophahlo e be e tloga e agegile ka didirišwa tša kago ya maemo a godimo go kgontšha bao ba amegago go tšweletša mešongwana ya bona ya bomenetša. Motšwantle yo tee o golegilwe. Dinyakišišo di sa tšwetšwapele, gomme go letetšwe ditshwaro tše dingwe.

Khomišinare wa SARS, Mrn. Edward Kieswetter, o tlogile a reta tšwetšopele ya tirišanommogo magareng ga SARS le SAPS ya go tshwara bao ba tloago molao ka go dira bosenyi. O boletše gore dipuruputšo di tšere karolo ya sephetho sa SARS go tšea magato a potlako kgatlhanong le balefela motšhelo bao ba sa ngwadišago go dira dikgwebo le go šireletša dikgwebo tša maleba. “Tirišompe ya dileibole tša go se lefelwe motšhelo go thibela metšhelo ya go lefelwa le ditiragalo tše dingwe tša bosenyi tšeo di hweditšwego ka go ntlophahlo ka ge di nyatša ekonomi ya rena gomme di lebanywa gape di tla otlwa ka letsogo la molao”.

Go hwetša tshedimošo enngwe ikgokaganye le SARSMedia@sars.gov.za